

## 小尔雅（汉）孔鲋着

### 广诘一

渊懿邃颐深也封巨莫莽艾祁大也颁赋铺敷布也盖戴焘蒙冒覆也钟崇府最积灌聚朴丛也阅搜履庀具也攻为话相旬宰营匠治也蠲袂裡屑洁也勿蔑微曼末没无也隆巢岸峻高也逼尼附切局邻傅戚近也邵媚旨伐美也贤衰繁优饶伙多也几蔡模臬法也〔蔡取蓍龟义亦法也〕爰换变贸交更易也生造奏诣进也索寒探哀钩掠采略也开彻接通达也固历弥宿旧尚久也弥愈滋强益也赫斲爽晓昕着赞曙明也皆附袭就因也封畛际限疆略界也承第班列次也户俊格扈止也〔户取其阖碍俊取其改皆止之义〕幽曠闇昧冥也最宄自质要也疆穷充竟也而乃尔若汝也控弯挽引也承赞凉助佐也寻由以用也要捷集载成也肆赴捷疾也造之如适也掇督抚拾也肆子烜余也拓斥启辟开也杜实充物塞也实物满也奖率励劝也勒勉事力也经屑省过也阙缺闲隙也迭递交更也燿划没灭也玄黔黠黝黑也缟皓素白也彤〈牛辛〉缁朱也淫溢沉灭没也载功物事也

### 广言二

晏明阳也盱晏晚也算丽数也窳艾老也金皆同也交校报也舒布展也扬翥举也索略求也奚害何也里度居也周浹匝也充该备也列厥陈也輶辘輿也废措置也驾乘凌也收戢敛也禁录也掌司主也偏赘属也丽着思也载略行也沓袭合也抵享当也庚彻通也修舒长也校战交也谒复白也勅质正也商蔑末也延衍散也未没终也牝辨别也菲凉薄也复旋还也祖翼送也走叩我也性命孳子也谐吁和也悛寤觉也憾猜恨也艾尽止也才问忿也奸犯也汨猾乱也缩续抽也暨捷及也苞跋本也肆臬极也睇题视也犯肆突也束縻缚也肆从逐也放投弃也莽芜草也暴映晒也焮也晞焮干也迪迹蹈也衍演广也袤从长也荷扬担也仍再也狗归也工官也稽考也颠殒也跻升也戕残也剿截也辟除也愆患也谪责也间非也顺退也抗御也斩取也蚩戏也褊狭也憖忌也沮疑也亏损也毁坏也判散也蔽断也交俱也俘罚也夷伤也枳害也缔闲也靡细也辨使也牧临也尝试也赖羸也若乃也嗟发声也奏为也振救也庸偿也贾价也贍足也曹偶也丽两也骤数也逞快也越远也姑且也哿可也释解也庸善也荐重也登升也励勉也赫显也跽是也不庄也佞才也暨息也话言也愿谨也丰丰也都盛也腆厚也肆缓也竞逐也纪基也憖忌教也整愿也懋强也薄迫也焯炊也资取也质信也饩馈也凭依也藉借也际接也阂限也庐寄也萃集也箠碎也尤怪也瞢慚也索空也素故也视此也惶往也矜惜也狃怵也觊望也何任也御侍也殿慎也选择也宣示也

### 广训三

诸之乎也旃焉也恶乎于何也乌乎吁嗟也吁嗟呜呼也有所叹美有所伤痛随事

有义也无念念也无宁宁也无显显也不承承也不肖不似也绳之誉之也诘朝明日也遐不黄耇言寿考也公孙硕肤德音不瑕道成正大美声称远也鄂不鞞鞞言鞞鞞也我从事独贤劳事独多也魴鱖甫甫语其大也麀鹿麀麀语其众也海物维错错杂也杂毛曰牝杂彩曰绘杂言曰隳

#### 广义四

凡无妻无夫通谓之寡寡夫曰癯寡妇曰嫠妾妇之贱者谓之属妇属逮也逮妇之名言其微也非分而得谓之幸诘责以辞谓之让男女不以礼交谓之淫上淫曰烝下淫曰报旁淫曰通不直失节谓之慚慚愧也面慚曰慙心慚曰慙体慚曰逡

#### 广名五

讳死谓之大行死而复生谓之大苏疾甚谓之陆请天子命曰未可以威先王请诸侯命曰未可以近先君请大夫命曰未可以从先子空棺谓之槨有尸谓之柩馈死者谓之赙衣服谓之襚埋柩谓之殮〔羊至切〕殮坎谓之池圻谓之窆下棺谓之窆填窆谓之封宰家也塋莹也无主之鬼谓之殇

#### 广服六

治丝曰织织缁也麻苧葛曰布布通名也纁绵也絮之细者曰纁缁之精者曰缁缁之麓者曰素葛之精者曰絺麓者曰绌在首谓之元服弁髦太古布冠冠而蔽之者也题头也颠颜颡额也玺谓之印绂谓之绶襜褕谓之童容〔亦云蔽膝〕布褐而紩之谓之蓝缕〔紩缝也〕袴谓之褰蔽膝谓之袖带之垂者谓之厉大巾谓之冪覆帐谓之幄幄幕也箒床第也大扇谓之翼杖谓之挺键谓之钥〔亦作钥〕棋局谓之奕在足谓之履履尊者曰达履谓之金乌而金鈎也

#### 广器七

射有张布谓之侯侯中者谓之鹄鹄中者谓之正正方二尺正中者谓之檠檠方六寸棘戟也戚钺斧也干戣盾也戈句子戟也〔檠倪结切戣房越切〕刃之削谓之室室谓之鞞鞞秘鞞之饰也矢服谓之弰小船谓之艇艇之小者曰舟符船头谓之舳尾谓之舳楫谓之桡车辕上者谓之车龙辕谓之辘轳谓之枕较谓之干衡扼也扼上者谓之鸟喙累纆繻也纆索也大者谓之索小者谓之绳拙而戾之为纆争繆而紩之为纆垆地也墉墙谓之陴高平谓之太原汪池也水之北谓之汭泽之广谓之衍

#### 广物八

藁谓之秆秆谓之刍生曰谷谓之粒菜谓之蔬禾穗谓之颖截颖谓之铨拔心曰擢拔根曰擢把谓之秉秉四曰筥筥十曰櫟棘实谓之枣桑之实谓之葚柞之实谓之橡

#### 广鸟九

去阴就阳者谓之阳鸟鸪雁是也纯黑而反哺者谓之乌小而腹下白不反哺者谓之鸦乌白项而羣飞者谓之燕鸟白脰鸟也鸦鸟鸢也〔鸢斯也亦曰鸭鸢〕

#### 广兽十

豕彘也彘猪也其子曰豚豕之大者谓之豨小者谓之豮鸟之所乳谓之巢鸡雉所乳谓之窠鹿之所息谓之潜潜椽也积柴水中而鱼舍焉

#### 广度十一

跬一举足也倍跬谓之步〔司马法六尺为步倍跬乃其大略〕四尺谓之仞倍仞谓之寻寻舒两肱也倍寻谓之常五尺谓之墨倍墨谓之丈倍丈谓之端倍端谓之两倍两谓之疋疋有谓之束〔礼玄纁五两以两为束每束两两卷之二丈双合则成疋凡十卷为五束以应天五地十之数与此制异焉〕

#### 广量十二

一手之盛谓之溢两手谓之掬掬四谓之豆豆四谓之区区四谓之釜釜二有半谓之菽菽二有半谓之缶缶二谓之锺锺二谓之秉秉十六斛

#### 广衡十三

二十四铢曰两两有半曰捷倍捷曰举倍举曰铤铤谓之铤二铤四两谓之斤斤十谓之衡衡有半谓之秤秤二谓之钧钧四谓之石石四谓之鼓